

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-**

Broj: 07-971/17

Datum, 18. 05. 2017. godine

Na osnovu člana 69. stav (2), tačka d), Zakona o javnim nabavkama Bosne i Hercegovine («Službeni glasnik BiH», broj: 39/14) i čl. 38. i 118. Statuta općine Srebrenik („Službeni glasnik općine Srebrenik“, broj: 1/08), Općinski načelnik, općine Srebrenik, d o n o s i:

**O D L U K U
O PONIŠTENJU POSTUPKA**

Ovom odlukom poništava se postupak javne nabavke: **Izvođenje radova na redovnom održavanju kolovoza ulica i saobraćajne signalizacije na području grada Srebrenika**, a za koju nabavku je ponudu dostavio ponuđač **JATA GROUP DOO Srebrenik**.

OBRAZLOŽENJE

Na osnovu otvorenog postupka broj: 07-971/17 od 27. 03. 2017. godine, objavljenom na Portalu javnih nabavki, obavještenje o nabavci br. 761-1-3-28-3-15/17 od 27. 03. 2017. godine i ispravci za obavještenje o nabavci broj: 761-1-3-28-8-17/17 od 31. 03. 2017. godine i "Službenom glasniku BiH" broj: 23/17 od 31. 03. 2017. godine i broj: 25/17 od 07.04.2017. godine, proveden je postupak prikupljanja ponuda za javnu nabavku: *Izvođenje radova na redovnom održavanju kolovoza ulica i saobraćajne signalizacije na području grada Srebrenika*.

Ponudu po otvorenom postupku za predmetnu nabavku je dostavio ponuđač **JATA GROUP DOO Srebrenik**, u ukupnom iznosu od 51.386,21 KM bez PDV-a.

Pregledanjem ponude **JATA GROUP DOO Srebrenik**, Komisija je konstatovala da je ista potpuna tj, da su dostavljeni svi dokazi za kvalifikaciju i isti zadovoljavaju zahtijevane uslove.

Pregledanjem finansijskog dijela ponude ponuđača, Komisija je konstatovala da ista nije prihvatljiva. Naime, kako je ponuđač ponudio ukupnu cijenu koja je iznad procijenjene vrijednosti za predmetnu nabavku, nadležna služba je poređenjem cijena iz ponude sa cijenama na tržištu za pojedine stavke iz predmjera konstatovala da su iste iznad cijena na tržištu, te shodno gore navedenom komisija predlaže ugovornom organu da se predmetna ponuda na osnovu člana 68. Zakona o javnim nabavkama odbaci kao neprihvatljiva.

Procijenjena ukupna vrijednost ugovora za predmetnu nabavku iznosi 47.008,53 KM bez PDV-a, a ponuđač JATA GROUP DOO Srebrenik je dostavio ponudu u ukupnom iznosu od 51.386,21 KM bez PDV-a. Kako ponuda ponuđača JATA GROUP DOO Srebrenik u finansijskom dijelu nije prihvatljiva za ugovorni organ, to je komisija predložila ugovornom organu da se postupak javne nabavke: **Izvođenje radova na redovnom održavanju kolovoza ulica i saobraćajne signalizacije na području grada Srebrenika** u skladu sa članom 69. stav (2) tačka d) Zakona o javnim nabavkama poništi, a što je i prihvaćeno.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o poništenju.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđaču 1x,
2. Evidenciji,
3. Arhivi.

OPĆINSKI NAČELNIK


~Dr. sci. Nihad Omerović~